

—Na páxina 653, cláusula décimo segunda, liña 2, onde di: «... no número...», debe dicir: «... do número...».

—Na páxina 654, cláusula adicional primeira, liñas 2 e 3, onde di: «reserva para si nº prazas...», debe dicir: «reserva para si ... prazas».

Resolución do 9 de febreiro de 1993, da Dirección Xeral de Traballo e Promoción de Emprego, pola que se fai público o depósito da acta de constitución e dos estatutos da Asociación Profesional de Academias de Formación Ocupacional (APAFO).

En cumprimento do disposto no artigo 4 do Real decreto 873/1977, do 22 de abril, de desenvolvemento da Lei 19/1977, do 1 de abril, e para os efectos previstos neste, faise público que no correspondente servizo desta dirección xeral foron depositados a acta de constitución e os estatutos da Asociación Profesional de Academias de Formación Ocupacional (APAFO), que ten os seguintes ámbitos:

Territorial: Comunidade Autónoma de Galicia.

Funcional: centros de ensinanza non regradas que reúnan os seguintes requisitos:

—Estar legalmente constituídos de conformidade coa normativa vixente para exercer as indicadas ensinanzas; e

—Ser centro homologado para impartir ensinanzas de formación ocupacional no momento de solicitá-lo seu ingreso.

Asinan a acta de constitución: Luis de Ory D. Alcahud e outros cinco máis.

Santiago de Compostela, 9 de febreiro de 1993.

Manuel López Pérez

Director xeral de Traballo e Promoción de Emprego

Consellería de Agricultura, Gandería e Montes

Decreto 32/1993, do 11 de febreiro, polo que se aproba o Plan de Ordenación dos Recursos Naturais do Parque Natural da Baixa Limia.

A Lei 4/1989, de conservación dos espazos naturais e da flora e fauna silvestres, establece a necesidade de adecuar a xestión dos espazos naturais protexidos e das especies que se van protexer ós principios inspiradores dela, para o cal se fai preciso a posta en vigor dun instrumento de planificación dos recursos naturais que permita acadalos obxectivos de conservación do ecosistema e dos valores naturais, e dos problemas que trae consigo o uso sostido e desfrute público destes espazos.

O Estatuto de autonomía de Galicia faculta á Xunta de Galicia para levar a cabo aquelas accións que considere necesarias para a protección, conservación e mellora dos espazos naturais e das especies e elementos singulares de fauna, flora e xeografía de Galicia que polo seu valor e interese científico, paisaxístico, cultural ou histórico requiran unha especial atención.

O procedemento de elaboración do Plan de Ordenación do Parque Natural da Baixa Limia incluíu os trámites de audiencia ós interesados, información pública mediante publicación no DOG e consulta dos intereses sociais, concellos e institucións, afectados.

Por estas razóns, por proposta da Consellería de Agricultura, Gandería e Montes e logo de deliberación do Consello da Xunta de Galicia, na súa reunión do día once de febreiro de mil novecentos noventa e tres, dispoño:

Artigo 1º

De acordo co establecido no título II da Lei 4/1989, de conservación da flora e fauna silvestres, apróbase o Plan de Ordenación dos Recursos Naturais do Parque Natural da Baixa Limia-Serra do Xurés, como instrumento de ordenación do espazo natural.

Artigo 2º

O parque natural da Baixa Limia ocupa unha superficie de 20.920 ha e ten como límites os que se describen no anexo I deste decreto.

Artigo 3º

Para facer compatible no parque natural a conservación dos recursos naturais coas distintas actividades que se desenvolven nel, clasifícase o territorio nas seguintes categorías:

—Zona de reserva, que comprende os seguintes enclaves:

- Barranco de Olelas.
- Alta serra do Xurés.
- Bosque do barraco da Cruz de Touro.
- Bosque do barraco da Ponte Nova.

—Zonas especiais, nas que están incluídos os seguintes territorios:

- Piñeirial de Salgueiros.
- Ribeiras do río Salas.
- Zonas altas do monte do Quinxo e somontes da serra de Leboreiro.
- Serra do Xurés e Santa Eufemia.
- Manifestacións de bosque caducifolio de Entrimo e Lobios nas ramplas das serras.

—Zonas de rexeneración forestal. Comprende os terreos de monte incluídos dentro de áreas de valor natural baixo, excluíndo os terreos agrícolas, núcleos urbanos, zonas de servizos e masas de auga.

—Zonas de cultivos. Considéranse aquelas que tradicionalmente se veñen utilizando como terreos agrícola-

las e pastos. Están situadas nos arredores dos núcleos urbanos.

—Núcleos urbanos. Son os seguintes:

Concello de Entrimo: Guxinde, A Pereira e Olelas.

Concello de Lobios: O Vao, Buscalque, A Cela, Compostela e Quintela.

Concello de Muíños: Albite, Guntumil, Requiás e Os Salgueiros.

—Áreas de servizos. Trátase das localizadas nas seguintes zonas:

Portela de Home.

Muíños, entre Requiás e Guntumil.

Ludeiros, en Lobios.

Localizada en Pereira, Guxinde e Bouzadrado.

—Masas de auga. Inclúense no parque as seguintes:

Encoro de Muíños.

Encoro de Lindoso.

Encoro de Olelas.

DISPOSICIÓN DERRADEIRA

Este decreto entrará en vigor o día seguinte ó da súa publicación no *Diario Oficial de Galicia*.

Santiago de Compostela, once de febreiro de mil novecentos noventa e tres.

Manuel Fraga Iribarne
Presidente

Tomás Pérez Vidal
Conselleiro de Agricultura, Gandería e Montes

Continúase ascendendo pola liña de máxima pendente dirección norte-sur ata a cota 600 m, s.n.m., que se segue ata o p.k. 11 da estrada de Lobios a Portela do Home. Neste punto quilométrico continúa polo río Caldo ata o arroio da Cabreira polo que se ascende para alcanza-la cota 500 m, s.n.m., continuando por esta cota ata o río Vilameá á cota Veiga (783 m), recta que se continúa ó río Lobios (cota 640 m).

Remóntase polo arroio de Saa ata a cota 900 m, s.n.m. polo que se chega ó río Cabaleiro, descendéndose por este á confluencia do arroio de Fontefría.

Desde a cota 800 m, s.n.m. sóbese ó outeiro das Lamellas (1.036 m) descendendo polo Entercadiño ó río Mao e por este ó río Salas.

O río Salas remóntase polo encoro de Salas, incluíndose dentro do parque unha franxa do encoro de 250 m de anchura sobre a liña de máxima capacidade ata a fronteira con Portugal.

Sur-oeste. Fronteira con Portugal.

ANEXO

Límites do parque natural da Baixa Limia-Serra do Xurés.

Norte-leste. Desde a fronteira con Portugal, río da Montaña ata o lugar denominado Carballeira, á altura de onde desauga no río da Montaña un regacho procedente de Queguas.

Desde Carballeira, en liña recta, ata o vértice xeodésico de Couto Alto continuando pola liña de máxima pendente ata o corgo de Ereixa, polo que se descende ata a estrada local de Terrachá de Entrimo a Olelas.

Continúase por esta estrada ata o lugar de Lla onde se toma a pista hacia Lantemil e Reloeira.

Desde Reloeira ascéndese polo río Salas ata o río Nau (afluente pola esquerda) remontándoo ata a pista forestal de Manín ó lugar de Cimadevila.

Corrección de erros.—Orde do 20 de xaneiro de 1993 pola que se establecen axudas para a mellora, restauración e divulgación do medio ambiente natural e dos seus compoñentes.

Advertidos erros no texto da orde desta consellería do 20 de xaneiro pola que se establecen axudas para a mellora, restauración e divulgación do medio ambiente natural e dos seus compoñentes, (DOG nº 27, do 10 de febreiro de 1993), cómpre proceder á súa corrección, e, ó mesmo tempo publica-los anexos da citada orde.

Na páxina 1.067, columna da esquerda, no artigo 5 onde di: «De acordo co artigo 78.4 da Lei 11/1992...», debe dicir: «De acordo co artigo 79 da Lei 11/1992...»